



CUMÜN DA SENT



# Il mas-chalch da Sent

Publicaziuns officialas. Cumpara segund bsögn.  
2012-2014  
no. 33

7554 Sent, 24 lügl 2014

## Radunanza cumünala

La radunanz'es gnüda fixada sün gövgia, **als 14 avuost 2014**, a las 20.15h in chasa cumünala.

### Tractandas:

1. Protocol da la radunanza cumünala dals 2 lügl 2014
2. Proget sanaziun chasa da scoula / sanaziun ed ingrandimaint da l'abitaziun dal pedel dumonda per ün credit supplementar da fr. 200'000.00
3. Orientaziun supr'il proget reservats da god Sent

### Radunanza cumün da vaschins

4. Decisiun a regard la concessiun d'ün contrat da servitut tanter il cumün da vaschins, il cumün politic ed il Chantun pels reservats da natüra ed ils reservats specials da god

### Radunanza cumün politic (cuntuaziun)

5. Decisiun a regard l'acconsentimaint dal proget reservats da god Sent
6. Varia

## Cussagl cumünal

## FESTA NAZIUNALA 2014

16.00	Plaz	<b>Cumanzamaint da la festa</b> L'ustaria cun mangiativas e bavrondas vain manada da la società da chatschaders "Tardanna"
18.00	Plaz	<b>Trategnimaint</b> culla cuntschainta gruppa „Trio Musikapostel” per far ün'o tschella trais-cha
20.15	Plaz	<b>Concert da la società da musica Sent</b>
21.00 - 21.15		<b>Sunasoncha</b>
21.00	Tiral	<b>Fö dals 1. avuost</b>
21.15	Plaz	<b>Pled festal davart l'istoriker, dr. Paul E. Grimm</b>  <b>Psalm svizzer</b>  <b>Bal fin a las 02.00h</b>

## **Avis: fös dals 1. avuost, fös artificials e petardas**

Sco minch'on e tenor tradiziun ardaran eir quist on, a chaschun da la festa naziunala, divers fös sün nossas otezzas. Quai es fich allegraivel e fa dalet ad indigens ed a nos giasts. Ils fös nu daschan però suos-chantar nos ambiaint, uschigliö cuntrafan'al sen da l'üsanza. As basond sülla ledscha chantunala pretend'il cussagl cumünal da preparar ils fös be cun laina adattada, q.v.d. laina püra, **na trattada chemicamaing, cun culurs, vernischs "Lack", pneus e.o.p.**

Tenor ledscha da pulizia dal cumün da Sent, art. 30 es quai proibi, d'impizzar sülla plazza da festa ed in tuot il cumün da tuottas sorts fös artificials ed ogets explosivs. Ils pumpiers sun autorisats da far las controllas. Eventuals surpassamaints da quist avis vegnan chastiat tenor il reglamaint da multa dal cumün da Sent. **Il cumün prepar'il fö dals 1. avuost our in Tiral.**

### **Cussagl cumünal**

## **NATIONALFEIER 2014**

16.00	Plaz	<b>Beginn des Nationalfeier - Festes</b> Die Festwirtschaft wird vom Jägerverein Tardanna betrieben.
18.00	Plaz	<b>Für die musikalische Unterhaltung sorgen:</b> „Trio Musikapostel“
20.15	Plaz	<b>Konzert der Musikgesellschaft von Sent</b>
21.00 - 21.15		<b>Glockengeläute</b>
21.00	Tiral	<b>1. August - Feuer, verschiedene Höhenfeuer</b>
21.15	Plaz	<b>Festansprache vom Historiker, Dr. Paul E. Grimm</b>  <b>Offizieller Abschluss des Festaktes mit dem Schweizer Psalm</b>  <b>Tanz bis um 02.00 Uhr</b>

### **Mitteilung: Feuerwerke**

Das Abbrennen von jeglichem Feuerwerk im Dorf und auf dem Festplatz ist, gemäss Polizeigesetz der Gemeinde Sent Art. 30, strengstens verboten.

Gemäss Beschluss des Gemeindevorstandes sind die Angehörigen des Feuerwehrcorps zur Überwachung obiger Vorschriften bevollmächtigt. Nichtbeachtung der Vorschriften kann, gemäss Ordnungsbussenverordnung der Gemeinde Sent, bestraft werden. **In Tiral wird das offizielle 1. August-Feuer der Gemeinde angezündet.**

**Gemeinderat**

## **Giarsuns**

Nos giarsun forestal, **Bastian Janett**, ha conclus seis examen sco bos-cher cun ün excellent success. El ha raggiunt la megladra nota (5,5) da tuot ils bos-chers dal Chantun ed ha per quai pudü tour in consegna il premi, dedichà da God Grischun, «la sgür d'or». Ultra da quai ha el eir pudü tour in consegna ün fich bel premi pella plü ota media da l'attestat da scoula d'urant tuot il temp da giarsunadi, dedichà da la fundaziun Doris Bäder - Gabriel, San Murezzan.

A Bastian exprimaina nossas plü cordialas gratulaziuns per quel grondius resultat obtgnü e til giavüschain tuot il bun per sia vita ventura professiunala e privata.

## **Cussagl cumünal**

**Silvicultur, Mario Riatsch culla gruppa forestala e da mantegnimaint  
Administraziun cumünala ed uffizi da fabrica**

Nos giarsun **Arno Valentin** ha fat l'examen da commerzi, profil E, e til conclus cun bun success. El ha frequentà seis giarsunadi d'urant il prüm on pro l'uffizi da construcziun bassa, district 4, a Scuol e davo lura duos ons pro l'administraziun cumünala da Sent. Nus gratulain ad Arno per sia buna prestaziun e til giavüschain tuot il bun pel avegnir, tant in sia professiun sco eir in sia vita privata til ingrazchond per seis ingaschamaint a bön dal cumün.

## **Cussagl cumünal**

**Adminstraziun cumünala ed uffizi da fabrica  
Uffizi da construcziun bassa, district 4  
Gruppa forestala e da mantegnimaint**

## **Nos pedel da la chasa da scoula, Jon Domenic Vital, va in pensiun**

Sülla fin da l'on da scoula 2013/14 ha Jon Domenic Vital raggiunt l'età da pensiun. D'urant 38 ons s'ha el ingaschà cun premura ed in möd consciencius a bön da la scoula cun seis stabilimaint ed a bön dals scolars, da la magistraglia e nal'ultim a bön da bleras societats. Tuot ils problems, incumbenzas, dumondas e giavüschs ha Jon Domenic adüna scholt ed accumulì cun incletta e sentimaint. Il quadern da lavur d'ün pedel nu po gnir fixà be in scrit e seguond tabella, là ais dumondà sentimaint fin e l'ögl per blerunas robinas e robunas chi nu stan scrit inglur e quai ha Jon Domenic adüna gnü.

Char Jon Domenic, uossa poust Tü tour la vita ün pa plü pachific ed At dedichar a las fatschendas chi sun fin uossa gnüdas a la cuorta. In nom da tuot nossa populaziun At ingrazchaina cordialmaing per Teis grond ingaschamaint cun corp ed orma. Nos megliders giavüschs pel avegnir At dessan accumpagnar e pel 2014 At giavüschaina fingià hoz ün schluss in bocca d'luf.

**Cussagl cumünal**

**Administraziun cumünala**

## **Pulizia chasa da scoula vacanzas da stà 2014**

dals 4 – 8 avuost 2014 e dals 11 – 15 avuost 2014 tscherchain nus

2 – 3 personas per la pulizia da stà e pulizia da fabrica da la chasa da scoula.

Annunzchas fin il plü tard als **31 lügl 2014** a bocca o in scrit a man da Seraina Felix, Bügl Süt 162, 7554 Sent, telefon 081 864 80 70 o 079 526 42 24.

**Cum. sanaziun chasa da scoula**



### **Da dar a fit**

A partir dals 1. october 2014 ün' abitaziun da 4 ½ stanzas cun lobia, chadafö da lavar, schler e piazza da parcar. Predsch al mais incl. spaisas frs. 1'650.--. Interessents s'annunzchan per plaschair suot tel. 081 864 07 29 o 079 535 16 25.

**Georg Koch**

### **C-Films**

A partir da la fin d'avuost fin la fin d'october vain realisada üna part dal film "Schellen-Ursli" illa regiun da Sent. Per quel temp vain tscherchè agüdont(a)s. Per infuormaziuns plü detagliadas tour sü contact suot tel. 044 253 65 55 o [c-films@c-films.com](mailto:c-films@c-films.com).

**C-Films**

### **Vernissascha**

A partir dals 20 lügl 2014 fin als 10 avuost 2014 expuonan Bert & Willi Rüedi lur nouvs purtrets. Avert da marcurdi fin dumengia da las 16.30h fin 19.30h illa chasa Palüds da Sala 115.

**A. Rüedi**

### **Grotta da cultura**

Marcurdi, als 30 lügl, 20:15h (a Schigliana, entrada CHF 15.-)\*  
Prelecziun da **Marie-Luise Scherer** our da **Unter jeder Lampe gab es Tanz** ed our da **Hundegrenze**, cun üna introducziun dad **Angelika Overath**

Sonda, als 2 avuost, 17:00h - 19:00h (a Schigliana, entrada libra)

**Madame, Annabelle, Brigitte & Co. deconstruidas**

Vernissascha da l'exposiziun da collaschas da **Leta Semadeni**

Venderdi, als 15 avuost, davent da las 20:15h (aint il Piertan cun bar, collecta)

Trategnimaint musical cun la **Blue Grape Guitar Band** (Folk, Country & Rock)

<http://bluegrape.ch/>

Sonda, als 30 avuost, 12:00h – 19:00h (collecta)

**Sie dreht sich um** – vernissascha dal cudesch dad **Angelika Overath**, cun musica da **Rowan Smith Jazz-Band**, e cun mangiar e baiver (a Schigliana, dadaint e dadoura - detagls vegnan dats cuntschaint in ün program separat)

\*Vendita da bigliets a partir da las 19:30h a Schigliana

Reservaziun da plazzas il di avant da las 17:00 fin las 19:00 (079 439 89 22)

**Grotta da cultura**



# Puntins Ots Uina

## Senda d'aventüra e culturala Abenteuer- und Kulturweg

**Partenza:** Sur En  
**Dürada:** Davent da Sur En 2 ½ – 3 uras  
Davent da Val Glatschera 2 – 2 ½ uras  
**Equipamaint:** Sezzln da rampagnar cun 2 carabliners (Kletterstelgset), chaplina (cusglà); po gnr tut a fit pro'l parc da suas (Sur En).  
**Gitas manadas:** Mardì, partenza a las 9.00 da Sur En, fermativa posta, annunzchas fin il plü tard lündeschdl salra.  
**Annunzchas:** Infuormaziun turissem Sent/Scuol, Tel. 081 861 88 29  
**Cuosts:** Creschüts 25.– fr., uffants fin 12 ons accumpagnats da lur genituors 15.– fr., Includ equipamaint.

L'adöver e l'access da la senda culturala e d'aventüra po succeder in möd independent sön algen ris-ch. Il cumün refüsa mincha respunsabilità. Lung la senda as rechattan lös exposts. Per l'adöver da las punts da suas es ün set d'equipamaint da sgürezza obligatoric.

**Beginn:** Sur En  
**Dauer:** Ab Sur En 2 ½ – 3 Stunden  
Ab Val Glatschera 2 – 2 ½ Stunden  
**Ausrüstung:** Klettergurt mit 2 Karabinern (Kletterstelgset), Helm (empfohlen); Ausrüstungen können beim Sellpark Sur En gemietet werden.  
**Geführte Tour:** Dienstag Abmarsch um 9.00 Uhr von Sur En, Posthaltestelle; Anmeldungen bis spätestens Montag abend.  
**Anmeldungen:** Gästelinformation Sent/Scuol, Tel. 081 861 88 29  
**Kosten:** Erwachsene Fr. 25.–, Kinder unter 12 Jahren in Begleitung Ihrer Eltern Fr. 15.–, Ausrüstung inbegriffen.

Die Wanderung durch den Kultur- und Abenteuerweg kann auf eigene Verantwortung, selbstständig unternommen werden. Die Gemeinde lehnt jede Haftung ab. Der Weg weist exponierte Stellen auf. Für die Benützung der Sellbrücken ist ein Kletterstelgset obligatorisch.

Senda d'aventüra e culturala  
Abenteuer- und Kulturweg  
Puntins Ots Uina

